

Versíkulonon tokante 'ki ora pa hasi orashon'

1 Samuel 1:10.I Ana, ku amargura di alma, a hasi orashon na SEÑOR i a yora mashá.

1 Samuel 1:16.No tuma bo sirbiente pa un muhé pèrvèrso, pasobra ta for di mi preokupashon grandi i for di mi aflikshon mi a papia te awor aki.

Mateo 26:36.E ora ei Jesus a yega ku nan na un lugá ku yama Getsemané, i a bisa Su disipelnan: "Sinta akinan mientras ku Ami ta bai ayanan pa hasi orashon."**37.**I El a hiba Pedro i e dos yu hòmbènan di Zebedeo huntu kunE, i a kuminsá bira tristu i masha angustíá.**38.**E ora ei El a bisa nan: "Mi alma ta masha tristu mes, te na morto; keda akinan i vigilá huntu ku Mi."**39.**I El a bai un poko mas leu for di nan i a tira Su kurpa abou ku Su kara te na suela, i a hasi orashon, bisando: "Mi Tata, si ta posibel, laga e kopa aki pasa bai for di Mi; sinembargo, no manera Ami kier, ma manera Abo kier."**40.**I El a bin serka e disipelnan i a haña nan ta drumi, i a bisa Pedro: "Boso no por a keda vigilá ni ún ora huntu ku Mi?"**41.**Keda vigilá i hasi orashon, pa boso no kai den tentashon; e spiritu ta boluntario, ma e karni ta debil."**42.**El a bolbe bai pa di dos biaha i a hasi orashon, bisando: "Mi Tata, si e kopa aki no por pasa for di Mi sin ku Mi beb'é, ku Bo boluntat sosodé."**43.**I El a bolbe bin i a haña nan ta drumi, pasobra nan wowo tabata pisá.**44.**I El a bolbe kita laga nan i a bai hasi orashon pa di tres biaha, bisando e mesun palabranan atrobe.

Marko 1:35.I mainta tempran, ora tabata skur ainda, El a lanta, a sali pafó i a bai na un lugá solitario, i tabata hasi orashon einan.

Lukas 5:16.Sinembargo, hopi biaha E tabata retirá Su mes den desierto pa hasi orashon.

Lukas 18:7.awor Dios lo no hasi hustisia na Su skohínan ku ta sklama na djE di dia i anochi, i lo E tarda pa kontestá nan

Romanonan 12:12.regosihando den speransa, pèrseverando den tribulashon, dediká na orashon,

Efesionan 6:18.Ku tur orashon i súprika pidi tur ora bai den Spiritu, i ku esaki na bista, sea alerta ku tur pèrseveransia i súprika pa tur e santunan.

1 Tesalonisensenan 3:10.Di dia i anochi nos ta sigui hasi orashon pa boso, pa nos por mira boso kara i kompletá loke ta falta den boso fe.

1 Timoteo 5:5.Awor esun ku di bèrdat ta biuda, i ku a keda su so, a pone su speransa den Dios, i ta sigui den súprika i orashon di dia i anochi.